

金

文

最

金文最卷四十三目錄

碑

濰縣龍泉院碑

釋失名

觀音院碑

釋大綉

沃州柏林禪院三千邑眾碑

釋行滿

蘇氏先代碑 大定十四年

釋夫名

重修彼岸院碑

釋失名

彰德府安陽縣靈泉寺覆釜峰新建石塔碑

失名

以上原列卷八十五
奉國上將軍郭公神道碑 大定二十三年

任詢

褚先生墓碣

失名

宋武翼大夫崔國華誌 大定十四年

失名

朝散大夫鎮西軍節度副使張公神道碑

明昌二年
失名

朝散大夫鎮西軍節度副使張公神道碑

明昌二年
黃久約

中議大夫西京路轉運使焦公墓碑

李嗣周

保義校尉房公墓碑

房仲亨

濟甯李氏祖塋碑

明昌六年

黃晦之

成氏葬祖先塋塋碑

承安四年
以上原列

卷八十六

鹿汝弼

金文最卷四十三

昭文張金吾月霄輯

碑

濰縣龍泉院碑

釋失名

爰夫一眞之理混法界以融通妙道冲虛比大空而爲量興亡出沒者隱顯在於當時去來生滅者化畢遊於異所由是金僊出世降跡向於迦毘說法撈生緣盡於拘尸入滅鐙鐙不住四七續焰於西乾祖祖相傳二三承襲於冬夏磨騰譚五教三乘之妙典達摩傳一花五葉之眞乘繇是性宗相宗分岐而度脫眾生禪師灑師古今而帝王崇重今本朝慈諭闡釋教於寰中聖德垂恩賜院額於天下濰陽左側北海而南三十里風景絕倫一方所幽微罕見村名西平壽所屬第八都地厚桑棗肥濃人稠列成街衢前臨朱雀水背靠元武岡西觀孤竹君東望浮煙主源河湛水浪浪常流施山黯雲時時湧出修文人面帶顏回習武者身同子路長壽

老彭祖相挨富貴人石崇可比宏釋教者看涅盤華經敬儒典者
讀周易禮記箇箇聰明辨利也是宿世修來人人具足端嚴皆屬
前生福德今此維首文賢等棲心歲久養性年深純排萬事消亡
禪寂一眞明朗鳩英明蓋就口藎萃賢豪求得院額觀院額號曰
龍泉睹勝景人閒天上龍泉水冬夏常然太湖石春秋不變殿前
面松竹侵天法堂後花果遍墜阜昌年禪室初興大定歲修完不
住今此院主者東萊墳墮落髮中都禪參佛日已明德緣行此方
而化眾口安四海化道一方衣盃罄盡口率多人刊名額永固於
南山建龍泉表鎮於北海欲求久遠請名匠以鑄石年代常存圖
寮宰而敬信因此門徒犇湊禪侶趨風福資皇上以無疆德被幽
明皆有賴迺爲銘曰

巍巍堂堂法中之王身長丈六面色金精千輪足躡項背圓光齒
如珂雪脣似朱妝旃檀舌轉妙法汪洋四諦緣生比鹿比羊六度
萬行口口開張大牛之車昂昂藏藏自利利佗悲智無疆或頓或

漸或顯或藏觀機奉道法味清涼四十九載緣盡還鄉拘尸入滅
含識悲傷四眾慟哭八部恹惶茶毗舍利動地輝光人閒天上揭
仰瞻詳迦葉爲首化道十方天魔外道無不歸降二十八祖達摩
名彰聲傳五印名振十方降於東土少室潛藏非傳紙墨密授神
光一花五葉枝派芬芳有人不得無我承當不雜口體便證法王
卽心卽佛更勿猜量濰陽北海龍泉道場太湖巖側龍泉水傍檀
那眾等僧俗商量刻石爲銘萬代傳揚信心施主直下觀詳一念
相應碑上放光天堂有路地獄無殃其佛不遠當處法王

石刻拓

觀音院碑

釋大綱

百萬和尚名口口俗姓蔡其先同州朝邑人也崇奉佛法蓋自天
性非勉強求名者之所能比也涇州龍翔寺賜紫明教大口口瓊
顏貌魁偉博極經論聲聞播揚盈溢人耳卽公之師也公凡有興
修誠心一出不遠千里車載人負錢盈百萬故時人口百萬稱之

皇統壬戌平涼重修佛塔是歲旱魃爲虐野有餓莩公懇意諭眾
雖救死不贍而人樂輸財數月之間厥功告成汧開元寺自天會
庚戌師旅之後盡爲邱墟僧徒以廊廡諸院因其故基度材締構
髣髴如故惟是無垢淨光佛塔所費巨萬口鉢可辦戊辰千僧院
僧正子文謂眾曰塔廢久矣何以復建僉曰非蔡百萬莫能興也
眾議唯允請者再三公如其約既至口口遠近皆稽首歸依經營
之始聖燈屢見於林表塔影昭顯於日中又因解木而得佛像容
止可觀雖丹青妙筆無以加此由是人益敬信遂致金帛泉涌材
木山峙施工傭者不可勝數分命梓匠各有條度口踰年而能事
畢矣公不告主者振衣而去人口其德先是鳳翔鳩工修塔不得
其人中道而廢府尹張特進遣僧俗延請公辭不獲已惠然而來
聞者輻湊爭獻用度不待口勞如期而畢公徒步至隴復覩口跡
有講經僧惠俊見公之來喜動於色乃集下生院主僧懿通西講
院主僧善從地藏院主口普賢院主口口塔西院主僧道常羅漢

院主僧崇隱千僧院主僧崇信天王院主僧□□文殊院主僧覺
仙彌勒院主僧文志東講院主僧□□□院主僧□□維摩院主
僧法禧等十有三人曰故觀音院鞠爲荆棘可捨百萬以酬其施
眾皆曰可里人李居仁陳錫劉汝葺贊成其事公不欲重違羣議
曲意從之遂高起大屋廣種松竹真得空門之趣公素有其願暫
歸故鄉鏤版印施大般若經數千卷於先□□側廣濟僧眾欲報
昊天罔極之德也公當擾攘之際其於修建未嘗須臾廢於心同
州城內有官田三十餘畝公請於□□□□□宇壯麗舉中其
度敕賜名額謂之太平院公與法眷智覺洎法嗣法真等同居是
院覺詢趙□王儀郡之吏長也皆出家貲以助勝緣同州井□□
郊汲水頗以爲勞公於院庭鑿井有二而味甘如醴良由神物護
持故感應如此公受業於回山龍翔寺有法嗣二人曰大知大見
夏原勝果山僧子俅與公皆敏悟大師之宗派也以公爲叔有法
嗣三人曰有利有益有璋同爲住持大紉慮公行事傳之不久因

敘觀音院所建立之由著其功德之大略云大定丙戌九月日涇川大像寺講經論沙門師姪大紉記其實石刻拓本

沃州柏林禪院三千邑眾碑

釋行滿

夫最聖世尊者縮三身之妙旨包理智之鴻源該羅理事括於萬
行法身凝然闔沙界以無形無去無來徧一切而常住報體幽微
十號三劫行因六度萬行妙因積而圓證化身示
□□□□□□□□□□樹三身所歸皆宗實相如空包納似地
發生是以但契一如自含眾德不動真際萬行常與不壞緣生法
界恆現寂不礙用俗不違真有無齋觀一際平等性相之法不卽
不離是故多□□□□□□□□□□還從界起表生死
涅槃法皆平等若離事而推理墮聲聞之愚若離理而行事同凡
夫之執當知離理無事全水是波離事無理全波是水理水事波
何分差異理卽非是事動濕不同事卽非理□□□□□□□□□□
□□□□□□而理而事二諦恆立而照卽假遠爾常存雙遮卽空凝

然夢寂非空非假中道常明不動因緣甯虧理體故菩薩以無所得而爲方便涉有而不乖於空依實際而起化門履真而不礙俗常然智□□□□□□□□□□騰行海遂得同塵無礙自在隨緣一切施爲無非佛事請佛如來真化之身亦非卽非離周沙界而無處不章赴眾生之懇誠徧淨穢土無處不顯應羣機之信心故八地之高士尙獲種類俱生無作□□□□□□如來者哉故疏云懲空璧彩洞皎無涯任水旋光暉華有極水清而月影便現水濁乃月影便沈全破器現不同明暗猶來有別月真影化器生各別水喻眾生根性卽性等五根器全水清影現分明器全水□□□□□□破水盡月影不現月體本來如故隨器水之萬別故現影有千差如來亦爾眾生身器福勝好時又信心清淨現勝大身具諸相好若眾生身器福勝好時而根性昧劣佛所現身或多障難或隨類形若眾生□□□□等覆滅化佛不現化身雖有如是差別而佛真身本相如故然真化身非卽非離但隨根器

現有差別出自不同故我釋迦如來出自竺乾隨根機熟方便化
現昔有漢時明帝夜夢金人身長丈六乘空而來遂問朝□□□
由奏曰準周書異記竺乾有大聖人出現滿一千年有聲教流行
此國帝遣蔡愔等一十八人將領兵士出國遠迎得摩騰竺法蘭
二三藏持四十二章梵夾釋迦形象等初來鴻臚寺安下明帝因
問佛法爲說三身功德□□□悟解拜爲國師自此而興今有娑
婆界中大金境內河北西路沃州柏林禪院自古興建年代時久
眞際禪師重修大殿興於梵荆此師者傳達摩之心卽悟性空之
因緣息萬法之無言入眞空之旨趣昔時未了踏盡□□及至徧
參乃無一物解南泉斬貓之志指應前柏樹皆佛盡言識心見性
別是一箇門宗後有先師戒師和尚傳大乘之秘訣和尚名諱詮
宗本貫係沃州平棘縣棘蒲鄉丁村人也俗姓宋氏靈樞頓解天
假性機欲絕有□永脫縈纏悟世無常似若浮漚達二無我龜毛
何異所以暮於緇林求爲釋子昔如來天王捧馬足踰越迦夷城

雪嶺峯西北迦阿倣定成更明別若行麻麥濟飢身誰知一大事
方便爲眾生宗師雖無踏頂之功亦有□□志割愛離親永斷
攀緣到院求度禮大德僧智林爲師奉師謹謹同侍阿私之仙求
教受法恭敬心而無止似風搔秋月素明皎潔光輝如雨灑青雲
轉添凌雲之氣受具方畢守鵝珠之禁戒護律法之軌儀行若冰
霜□□高善講能開利生接物方便頗多道化緣厚攝三千邑
眾同會修因慈悲利樂普濟無邊願心宏廣孰能可比翻修大殿
塑五十三佛三世諸佛令一切瞻禮問金剛經云若以色見我以
音聲求我是人行邪道不能見如來如何立相標形而稱佛事答息
緣除事此是破相宗直論顯理卽是大乘始教未得有無齋行體
用交澈若約圓門無礙性相融通舉一微塵該羅法界華嚴經云
清淨慈門利塵數共生如來一妙相一一諸相莫不然是故見者
無厭足法華經云汝證一切滅十力等佛法具三十二相乃是眞
實滅大涅槃經云非色者卽是聲聞緣覺解脫色者卽是諸佛如

來解脫豈同凡夫執頑礙之境以爲實色二乘偏證灰斷之質而
作其形是以六根所對皆見如來萬像齊觀圓明法界豈得消形
滅影方成元趣者乎哀嗟師緣盛興掩化別世火消假形真性常
存得舍利之百顆向大殿東西茶毗葬在塔內故經云猛火不久
月滿復虧蓋造化生滅輪迴無定示同然也利生口盡大命俄遷
了諸行之無常知寂滅而爲樂真風散彩惠鏡分輝涅槃盤經云諸
行無常是生滅法生滅滅已彼寂爲樂菩提園裏開華真如海中
結果可謂了了之道師也故留後面懸壁與後人行緣幸有門人
昭公法師口口德辯廣學多聞爲釋門之棟作人天之師承先師
預垂之願待本師和尚之緣再率三千邑徒書名上碑遂有優婆
塞田進賈德李口同結妙因塑像妝飾是以濟生利物者多垂方
便也況乎萬行千差行門不一當口口口口口口口口口口口口
外得於一法行於一行但是自心引出自淨行性而起修之故知
摩尼沈塗不能兩寶古鏡積垢焉能鑿人口口心性圓明本來具足

若不眾善顯發萬行磨治方便引出成其妙用不然則永驕客口
口淪識海成忘生死障淨菩提若不依此正行別起異思邪想皆
是妄倒攀緣譬栽蓮華於高原類植甘種於空界欲求菩提華果
何由能得由是萬行因廣難越自利利他之二種也或樂布施持
戒忍辱精進禪定智慧口口毫髮片善須要契於三輪體空於七
最勝相應空有雙拂二諦無我真趣佛果之門矣雖然未踏此境
籍相口善口名修因故觀藥王藥上經云過去三千人稱是五十
三佛名致使莊嚴劫星宿劫賢劫中皆成佛道問經口觀身實相
觀佛亦然一念不生天真頓朗何得唱他佛號廣誦餘經高下輪
迴前後生滅既妨禪定但徇音聲水動珠昏甯當符合答夫聲爲
眾義之府言皆解脫之門一切趣聲聲爲法界經云一一諸法中
皆含一切法故知一言音中包羅無外十界具足二諦理圓何得
非此重彼離相求真不窮動靜之源遂致語默之失故經云一念
初起無有初相是真護念未必息念消聲方契實相是以莊嚴門

內萬行無虧真如海中一毫不捨且如課念尊號教有明文唱一聲而罪滅塵沙具十念而形棲淨土拯危拔難殄障消冤非但其暫拔苦津託此因緣終投覺海故經云若人散亂心入於塔廟中一稱南無佛皆以成佛道一聲尚爾盡成佛道況於多稱塑佛像者哉若言一念不生萬行不修別尋道理如楚國愚人認雞作鳳春池小顰執石爲珠但任淺近之情不探深密之旨迷空之流豈識真歸故造像功德經第二卷云優陀延王造佛形像彌勒徧問世尊普答彌勒問云其有信心能造像者有獲功德惟願世尊廣說其相世尊答曰佛告彌勒若有一人或畫或塑或繡鑄作大小不等能令見者知是世尊令人瞻誦我今當說汝今諦聽此人常劫不墮惡道求生善處恆遇諸佛聽聞正法如理思惟智慧福德人相具足世所希有離諸疾苦一切病痛皆悉不受乃至無上佛果菩提亦可得證既有明文可當依據以此勝善上祝皇基永固帝道遐昌本郡太守福祿遷加同知軍判恆受恩光一切文武

常居祿位結緣信心龍華三會法界有情咸蒙利益三身功德歎莫能盡管見情疎拙成光歎復讚其偈

法身遍沙界闊達俱無礙眞理無動搖所依鎮常在不生還無滅自除性變壞湛湛性澄凝豈分中閒外報體幽微質三劫行因畢果滿十號尊能證眞如理自受不動尊他受利十地自利亦利他思惟不可矣化相垂於形示跡被濛塵四生咸離苦六道越迷津資糧加行位千丈大化身丈六金身顯聲聞得回心稽首三身的超越尊一切堪供宣讚揚頭面接足禮所歎三世畢獲得諸功德迴向若見聞盡證無生理大定七年歲次丁亥九月十八日石刻拓本

蘇氏先代碑

大定十四年

釋失名

蘇氏之先本居青州巢寇之亂遷於此住祖父峻德幼習儒業五經都觀鄉人宗仰深碩下缺約十字十一與祖母郭氏合葬於西南隅有三子小者曰文業儒經書尤精厥趣不幸早亡其下缺約

十字戒不飲弱冠除葷習父經業兼知陰陽好施方藥總崇三教

知命之際受菩薩戒嘗讀佛下缺約十字氏有二子大曰彥幼曰

儒業多力善射并師武學懷洛口口口口口口耳順方止次日下

缺約十一字之女能口絕口景氏早亡次娶東葛萬村王氏口口

天口口口口口口以般若心經彌勒下缺約十一字者故於歸治家

樂業亦有二子長曰雲慶十歲捨於慈口禪院出家父自教經十

人下缺約十二字者故力耕有餘然稱孝弟立成之一而天於世

人多嗟悼有子曰下缺約二十餘字索羶辛慎勿與我其誠若此

母至七十無疾長往足口先令口口相也既下缺約十六字感風

樹之口三周之內供僧二千復遇諱日常設大會越十七年每覽

聖教下缺約十六字二篇元妙光澤天下各適時機若夫五眼六

通三身四智故災無窮下缺約二十餘字稱天上有口星口生仲

尼并有大聖人口者周霄虹玉漢夢金人下缺約十三字年自爾

迄今千有餘載歷搜口聖口口口口德被人天口及幽顯者無過

佛頂尊勝陀

下缺約十一字

於翠珉庶得蒙

覆趙

生足遇龍華受佛記銘曰

家世習儒深崇聖教冀警將來體子懷抱疑疑法幢峩峩山岡岡可壞幢可傷遷滅八難兮無疆大定十四年歲次甲午二月八日

孟縣志

重修彼岸院碑

釋失名

來東扇迄今千有餘歲乃慕其道者庶若子

天贊人歸神鬼伏起羣拔萃而以繼之故感

金像然燈晨鐘夕梵暢無生

魯之故村曰掩底寺曰彼岸

法師所建十大寺之一也

勅立小舍置像以彰遺跡

穎常長而卓異歎浮雲之

大七院賜紫僧

年普度而受□下缺之□□□□□□□□□□為最訪聞□開□唯

識眾□下缺□□□□□□□□□□將唱者遍和幽邃同志悉元

彼□□□□□□□□□□□□□□□□而知般陽聞□下

缺□□□□□□□□□□□□□□□□真□寂幽棲之□下缺□

□□□□□□□□□□□□□□□□其事師□□□□之日若符聖意□下缺□

□□□□□□□□□□□□□□□□發畢故富損其□下缺□□□□尤

□□□□□□□□□□□□□□□□各願忱悃切禱□下缺□□□□□

閒古□□□□□□□□□□□□□□□□至感精誠其孰能與_{下缺}□□□□

□□□□□□□□□□□□□□□□之眾謂之曰曩昔之_{下缺}□□□□□

□□□□□□□□□□□□□□□□有高□能及也□下缺□□□□□

□□□□□□□□□□□□□□□□天下無名之_{下缺}□□□□□

乃本□人也□下缺□□□□□□□□□□□□□□□□之□一方之所□

□名與舍□下缺□□□□□□□□□□□□□□□□為記固辭不已輒為書之令

後世有以_{下缺}□□□□□□□□□□□□□□□□記石刻拓本

彰德府安陽縣靈泉寺覆釜峰新建石塔碑 失名

寶山靈泉寺在彰德府西南五十里古相州地也寺之西南一里山名曰其石巖巖舊有磚塔在上隋帝相救大將盧通之所建也歷年久遠磚形脫落本寺住持照慶照廣募緣請置度二里白露村朱祥申氏捐捨資財創建石塔一座三丈五尺然一新今覆釜峰重建石塔四圍東有朱砂仙影南望大河西有丈八古佛北有崆峒佛常其瞻仰行善事敬其神孝其親忠君之道照慶徒法乘之功豈淺淺乎哉故書以爲記石刻拓本

金吾案安陽縣宋屬相州金屬彰德府元屬彰德路碑首題彰德府安陽縣則此碑爲金源所建可知

奉國上將軍郭公神道碑

大定二十三年

任詢

公諱建義州宏政人幼而穎毅長而剛明不爲人制天會二年王師南伐徵鄉邑良家子公預選首爲千戶以主之與遼常勝軍戰勝於白溝士氣振奮合併大軍下燕雲越濁河定南汴四年東路諸將攻鉅鹿公率眾先登潰

其固壘公由是氣壓諸將六年收開濮七□□□刺過江涉
淮收壽春濠和州八年下眞楊通泰帥府先後功賞以議官爵□
□□□□大夫持節宥州諸軍事十三年留公屯守淮揚會韓
世忠兵攻城東南隅□□□□軍引退天眷間公與宋人戰
所向無前累獲勝捷賞亦懋焉皇統二年換□□□□奉國
上將軍國家以仁義之師奉辭伐罪宣威靖亂所以詰誅暴慢奮
□□□□□□者也撫定之久不忘人功凡從軍有勞者授以
親民職任五年以公爲□□□□吏畏民愛改掖縣令弭
訟息姦鄰境敬服知會州城秩滿改費縣令□□□□
守爲賊所害公攝州事爲守禦之計軍無侵擾民賴生活新守到
官□□□□□□徐義以眾五千夜攻縣北門公引勇敢
及家僮僅三百人潛出東□□□□境內安帖考滿
同刺嵩州通守濰州又除臨潢府總幙始公至青社□□□□
□□□□富且得人譽因卜居焉臨潢守官未幾乞身歸老始終

之節亦足稱□□□□□□師洎皆隱晦不仕考英才以公
貴贈宣武將軍妣賈氏贈汾陽郡太□□□□□氏並封
汾陽郡夫人男七人伯祥不仕伯傑忠勇昌邑縣酒監伯元□□
□□□□先公卒伯仁修武韓城鎮監□震鄉貢進士亦先公
卒伯義伯信並舉□□□□適南公雲次適顯武齊琬次適
詢之子中道孫男九人女六人曾孫男三人□□□□公體貌
魁偉美鬚髯猿臂善射天姿挺特內蘊忠鯁居正不撓平時不飲
酒□□□□當高燕出帷房之寵樂舞畢陳以永終日或繼之
以夜閒語人曰予少年尙□□□□從軍賴社稷之福戰必勝
攻必取祿仕及親而逮下今既老矣得請而歸以□□□樂胡
爲大定十八年閏六月二十八日以疾終於家享年八十有二以
廿年冬□□□□擇地葬于益都縣青邱鄉之潘村以子預姻
親之故來請碑銘以傳不朽銘曰
□□□集覆有諸有桓桓我師震疊羣醜須得英雄成濟其美賢

哉郭君起家茲始白□□□心奮振既合我師燕雲底定越河
取汴風卷東雲鉅鹿摧守勢溢吾軍渡江□□□真楊戰勝攻
取夫誰敢當師不宿老民厭兵久第績酬功俾安其守四宰二同
□□□優政寬仁懷良殄惡遂請歸來白首安佚賓朋燕樂聊
以永日榮身官邑及親逮□□□之福有足嘉者青邱之陽安若
故鄉子孫保之允矣不忘

山左金石志

褚先生墓碣

失名

先生褚氏諱承亮字茂先宋宣和二年擢第調易州戶曹會金皇
子郎君破眞定拘境內舊進士七十三人赴安國寺試策策曰以
上皇不道少主失信舉人希旨極口詆毀先生離席揖主試劉侍
中曰君父之過豈臣子所當言耶長揖而出場屋劉爲之動容比
揭榜先生被黜餘悉放第狀元許必輦自號七十二賢榜時人謂
先生曰有德先生朝廷重其名命知藁城漫一應之尋解印去年
七十終弟子周伯祿等百餘人因私諡曰元貞先生云

河朔訪古

記

宋武翼大夫崔國華墓誌

大定十四年

失名

公諱國華字德夫涉縣乘雲鄉延福村人也僻好讀書喜爲文孝弟仁義公其盡之在亡宋日正行三舍法以正月棚試縣主申選在府學外舍期年未遂志改入武學外舍留心武經及習練弓馬私試得成上等較定明年春公試升入內舍私試至歲終義策累作魁文成上等來春一路聚試平陽果獲高薦得遊上庠外學一年升入太學公在太學十年不滅燈不脫衣亦未嘗告假苦心勞形惟以進德爲事至致和八年二月春試武學上舍程文入優等弓馬入超越三月二十八日唱名第四入第敕賜承節郎時年纔三十差成都府路弓馬教諭未之任閒差權平定軍平定縣尉至來年方赴成都府路宣和三年授婺州金華縣尉捉方賊餘黨數夥劄付武翼大夫公享年五十有四其子某遷其葬於北山之陽

銘曰

克孝克弟篤仁能義篤學十年衣未嘗脫燈未嘗滅假來使告文
入優等武能高蹈邈邈嘉臣於今罔旣雖欲追之疇能可繼時大
定十四年

陟縣志

朝散大夫鎮西軍節度副使張公神道碑

明昌二年

黃久約

齊魯儒學之鄉近世東齊尤多學者至於行義修飾文章學問可
以追配古人蕃聞山東一時後進推尊景慕以鄉先生稱之得一
人焉故鎮西軍節度副使張公商老是已公□□□商老其字也
世爲城陽人幼強學自立家貧無師閉戶獨學日誦千餘言祁寒
隆暑弗懈宋末兵革倏擾所在盜賊充物飢饉轉徒人不聊生公
挾策負書之田閒躬勤耒耜日課□□暇則爲文日富月華時固
未有知者齊國建立之六年沂州類試旁數郡舉子亡慮數千百
人公初出應試薦名第一人始大驚及得其所試詩賦策論傳之
莫不畏服且歎其晦養涵蓄極其宏大而一發遂不可掩也其後

凡四口鄉書三爲舉口遂中天德三年甲科時行臺進士會試上京猶用舊法試策擢第公所對嘗選爲第一矣西試官主意有不相合強摘其中一語誣爲疵病力沮之不能奪卒置第二啟封之口見公姓名沮者亦自悔恨物議不平之初任徵事郎河州防禦判官改濮州軍事判官丁父憂服除再爲河州防禦判官終更調單州魯臺令又調萊州膠水令數月被選爲國史院編修官又入翰林應奉文字考滿補鎮西軍節度副使兼嵐州管內觀察副使散官由徵事郎凡十三遷至是爲朝散大夫勳騎都尉爵縣男食邑三百戶佩服金紫歲滿言還久口口宦口將挂冠邱園以遂晚年閒適之樂不幸感疾歿於京師其子太常博士所居宣明巷僦舍實大定十九年九月十日也享年六十有九公未第時以詩賦教授鄉里幾二十年門人子孫相繼登科至十數其淹回場屋以詞學聞於時者尙不可勝數最後孫行簡大定十年賜狀元及第皆公親教之雖晚入官仕不大顯觀其門人子孫卓立成就見效

如口則公之學爲可知矣公爲人寡口而事親孝居喪如禮足不
至妻之室者三年兩任河州距鄉邑數千里惟以幼子自從澹如
獨處未嘗有旁侍人以爲難與人交久而彌篤語言恂恂無少長
皆爲盡禮至臨事挺然有守不可干以非義天資仁愛弗忍害一
生物老猶篤學手不釋卷兒時所誦終身不忘家多藏書部裘完
潔蠅頭細字往往手自鈔寫觀者已倦而公終日低頭伏紙揮翰
而已或謂之曰人生當行樂何至自苦如此笑而答曰人各有所
好吾好在是它樂不能易也閒居議論無一妄語至於俚俗劇談
戲論與夫詞曲纖豔之作略不掛口處已儉約出無輿馬之飾居
無器玩之好勤於吏事精確不苟且雖州縣之閒米鹽細務皆爲
之盡力而斷獄主於寬恕濟活甚多吏民去思之自初及終無毫
髮累性謙慎恥矜伐以邀聲譽初爲幕官後佐藩政長吏決事或
有過舉終不公坐爲言必俟其閒隙從容就見反覆論析往往改
之無難人亦莫知其嘗有言也以是多愛敬之始在河州守將武

人強悍任氣輕折屬僚贖貨無所憚會蕃部有爭酋長者乙法當
得甲富於財守受財而右甲乙既不得直反以事擴摠連繫於獄
公曰吾豈畏強禦而使口冤不得信耶卽條排其口口辨正以如
法人或爲懼則曰苟無愧於心雖遭橫逆所不避也守不勝其忿
且疑其嘗得已陰事者明日自陳其不公十餘事口爲之少戢又
有正將恃其門閥口爲不法以公儒者視之無妨或相侵侮公一
不校一日部將疏其罪數十懷之求口先白將上其事意公蓄憾
其人必喜聞之將有以助己也公愕然變色曰斯謀何爲至於我
哉夫人有善則揚之惡則掩之乃君子長者之用心况同僚耶再
三開諭其人媿而止公之剛而不撓寬而容物有如此大定初將
兵赴河隴戶部檄富受輸軍儲南京廣濟會既罷吏有以例袖白
金百兩爲贖者公笑曰吾豈利是哉諭之使去明日復持袋舉一
斤跪於馬前願致區區公不忍拒受之既開視皆錢鈔也立召其
徒讓而還之曰昨諭汝而不吾信吾詭而受將誰欺乎眾始感激

大服羅拜致謝而去其廉不飾僞又如此公文章溫潤峻潔似其
爲人字畫道麗得蘇東坡先生遺法在史館時與修太祖睿宗實
錄書成號詳略得宜逮直詞垣詔命口下操筆立就傳觀坐閒咸
服其精敏詞旨典雅得兩漢之風有文集十卷公平生不置產業
嘗誨其子曰富人營求財利朝夕遑遑□□□□有阡陌之得
不還踵而失者有之而士能力學以致祿仕衣食自奉取給公家
仰事俯育終身優裕且無農商耕穫稗販之勞所得孰爲多哉其
後子孫所以授巍科並居清選爲世所榮者孰謂非公善誨之力
歟以卒之年十一月十九日歸葬於日照縣太平鄉之原先塋之
次曾大父如玉故贈宣教郎大父宗愈父袞皆不仕公進階五品
贈父儒林郎母霍氏清河縣太君娶劉氏清河縣君賢明令淑事
舅姑盡孝事夫盡禮撫諸幼有恩愛而資沈厚喜愠不見於色先
公二年祔葬公墓子男二人長曰暉卽博士君也口曰皦方應進
士舉女二皆適令族孫方平范口頤其壻也孫男五人行簡行敏

行正行忠行義行簡今爲承務郎應奉翰林文字行敏祗候承奉
班三女尙幼久約少之時在鄉里已稔聞公名後三十年來京師
始得際見逮備員詞林公亦繼受命聯直廬舍數年之閒口獲親
炙道誼之益辱知愛良厚中閒隔闕纔閱幾時一時朋從零落殆
盡獨餘衰鄙白首猶存乃復幸與應奉公游處觀其退讓沈默進
止端雅可以想見其前人風度一日造門出公平生行狀致博士
君之命曰日者先人始棄諸孤去鄉閭千里外扶護閒關迨於遠
日曠中之文未暇爲之常恐先口行實久無紀述遂泯口口無聞
幸昇之銘將刻石表諸墓隧以傳不朽乃論撰如狀而繫之銘旣
以慰夫後人且自致其悲哀之意云銘曰

維公之學沈酣載籍博物洽聞維公之文溫潤絢縟氣老益振行
成於家譽藹於鄉孝友恂恂韜含蘊蓄俟時而鳴一鳴驚人自茲
鄉書三爲舉首學徒畢臻遂登甲科人猶爲恨合冠時英泛水依
蓮割雞操刀所至有聲圭璧其溫冰雪其清善不近名金臺紉書

玉署代言稽古之榮積學美身推之門人以及子孫富貴利達取必於天卒如其言譬農服田既播而耘疑疑其蕃倦遊榮塗歸將懸車容駟之門天不憖遺奄奪之壽已矣奚論鬱鬱松阡歸從先人太平之原礪石刻金傳信來世不亡者存

山左金石志

中議大夫西京路轉運使焦公墓碑

李嗣周

公諱旭字明銳沃州柏鄉人也曾祖諱儀在宋爲左千衛將軍致仕贈武功大夫祖諱逢不仕考諱極邢州沙河縣尉追贈官與公三品同妣李氏追贈廣平郡太夫人世宗皇帝卽位之三年舉進士公第五人及第二十二歲也始任縣令充尙書省令史不善事上官數月而辭退除良鄉縣令良鄉素號難治公治之有聲日益事簡矣期未及瓜而陞中都左警巡使公素剛正不避權貴在官所忤抗逆觸多竟媒孽其短因事中之遂削官謫秦州冶房縣令幾六年方改大名府推官後入爲左三都司正未幾主上新卽位首務求忠讜才能之士任使之遂拔公監察御史公旣當官得行

其志彈劾相臣一無所避歲餘授治事侍御史上封事言北澤利害復遷侍御史公自謂不數年享是祿仕若緘默有患失之心非人也凡公家之利知無不言者公一日侍上側從容陳親睦之道極盡其忠矣後以事出同知和州防禦使幾一歲復入授戶部員外郎凡二年轉郎中充宋人接送伴使以黃水泛淤治水有成遷西京路轉運使別授符節稱宣差使規措西南路軍馬糧草事先戶部符下河東北路起運糧草赴綠置用兵邊鄙之處公曰奉命規措何勞如是耶遂罷去卽令計軍馬所費度近地民家積貯之多寡可以給其用增價而糴之由是於邊所省亡慮數萬億錢此公私之大便也公之才幹省費便民者類多如此嗚呼天遽奪公之速享年五十八歲公性純孝疎財好施其族系甚大有相依者無間遠近皆與賙贍之月俸屢不能給公本官合蔭人皆仰焉曾不以己之子爲念公娶劉氏乃中都都運使徽柔之孫女也封廣平郡夫人有一子一女曰阿者阿都皆尙垂髫公之入立於朝也

極言正諫非道不陳公之出治於外也嚴而不猛吏畏民懷去思多矣凡臨事惟直道而行不恤輿議公所素養者至大至剛不拘小節或有從之者無賢不肖皆爲盡歡及閒而商略天下品藻善惡當其意而莫之私練達世務遇物而應有過人者遠矣銘曰遐思焦祖閱世冠裳以榮以貴積德而昌爰及於公門戶益光桂月聲華馥煥飄彰文章冠卓藹然擅場旣曰入官士林軒昂鯁概夙著奸邪斂藏極言正諫致摠忠良隨寓施爲公平其政利澤覃及民樂歌頌公之孝友出於天性小人見嫉讒毀交競公獨怡然弗渝志行祿俸推及族沾餘慶君子歎喟奈何其命名著將來永與天並

柏鄉縣志

保義校尉房公墓碑

房仲亨

會祖諱賢祖評事諱臻高祖不記名八子賢最□□□□□□
童稚時有鄉老嘗言曰爾家其先唐相□□故□□□□□□
祖爲

會祖以下亦有族人十餘家相附而居祖十歲□□□□明族緒從
□□□□□□如老成人被□□□□之訓出言必以家務爲先
自十餘歲事無巨細悉以知之年弱冠娶祖母姜氏□□與祖之
□□□祖再三留之弗得遂感激自奮保守於家爲人六親莫不
和悅與交友不失其信在眾讓人周急貧乏喜怒□□變色凡事
無閒親疏厚薄合於道理而言之見小利如毛髮弗顧耳鄉里敬
之當是之時值宋末兵火父子離散家宅□□灰燼惟存□□□
至本朝天會八年百姓旣復其業父子亦還家居無一舍□□皆受
其飢會□霍且救其死祖嘗有憂色諸子侍肉會之亦不以爲美
遽爾言曰我祖父皆在淺土中實發夢寐唯此爲不足耳欲□□
□□若能從於我雖殞無恨皆曰諾今毀家之東南□大□取磚
石用修其墳卜宅北之地以爲林其地東下西高周如環□遠□
連坤後百步外□東西長溝乃古洙□也曾祖母徐氏雖死於侯

氏家祖不忘鞠育之恩亦取葬之祖妣姜氏□□斂葬於□□墳
□西南□自九月大葬畢既葬之後家道□□□肉一家百餘□
見曾元之孫大小以順其教□□私財□倉之富爲磁陽第一戶
魯□以□氏大家爲嘗語祖敬佛老□□禮義廉恥忠信孝弟爲
家誠乃留言曰吾□□□孫願無辱於祖先也縱不能□□□爲
良家子豈不幸與祖未嘗不□□□藥餌至老精神不衰□一郡
耆舊□□□壽□□得遇天德元年恩澤授保義校尉本州節使
□侯遣价召□見之與語大喜命賜膳祖餽而謝曰太守光榮老
夫乎豈勝萬幸□□辭而歸曰夫人生屈於□皆欲□□吾得其
壽矣而朝廷賜官以敬老□□亦積□□由矣享年九十有六天
德二年九月二十六日卒□□□□□□□□□□□□□□□
於十月三十日穿祖母姜氏穴而合葬之送者二千餘人本縣亦
遣□賻儀喪□者三□余□兒女□□□時羣木悲號百草無色
亦如王褒柏慘以其感也祖五子長□贊次宗次斌次□次父知

彥先爲符離尉次任沐□□薄任□而卒於沐悲哉尤哉於大定
四年遷葬於林長伯贊出祖葬於林之東余依次序葬之於今歲
大定己酉再吉葬焉一□□□二十餘家而貧者過半矣吾祖
之行□於古人壽過於今人而貴不及古人與今人也可歎惜哉
近年兄天民□從□道通達嘗語曰房氏自始及今居此七八世
矣復恐歲久而不知□□焉莫若立石可也四人今老俱亡矣天
□人傷□思之□□□可□□□命工刊石眾謂仲亨曰祖有託
於□也卽□而□□□能文辭者可傳於後請託之非我所能
也眾復□□何族屬衰微□敢動於名公也旣不獲辭愚於是筆
集祖之□□□□後代拭目觀之則見而知焉□孫次列碑陰
乃爲銘曰

孝而益富仁慈□□子孫誥誥名存永久大定歲次己酉冬十月
石刻拓本

濟甯李氏祖塋碑

明昌六年

黃晦之

近世習俗祖考既葬不問貴賤皆爲之立碑人有疑而見問者曰禮歟余應之曰禮也夫碑碣固同而立□之意各異□閱之家不止軒冕焜耀有大功德可以上衛國而下庇民子孫榮之於是爲神道碑其次德行文章顯然爲時聞人慮其湮沒於世則有墓表墓誌紀其實以貽不朽二者古今皆然至於比閭之民若子若孫奉先世遺體貴與賤不殊既葬之後不一二世叩其誰爲祖誰爲高曾卷舌而不能言者十常七八物莫靈於人至不知身之所出豈理也哉昔聖人沿人情以制禮而況遭際聖時人人漸沐生事死葬尊祖報本與夫敦睦九族之教因其葬也必有碣以樹於林使慶流之源族派之別後世曉然皆知其詳其誰曰不可吾州任城縣李公遠祖諱令琛舊爲盧臺郡人唐初一日衣帶純白御大風而來不遠千里至大郝村輒止因家焉既逝葬小黑村西南之原墳之西大郝村之東北也復有一祖林歲遠皆不究其詳在後子孫在祖林□西□□兩林南北相望意其俱在唐時也術者觀

之謂得山水之秀故久而不衰後世以兩林爲福地皆耐葬焉祖墳初在高原今其地特下亦歲月滋久陵谷易處不得不然祖考相傳嘗欲移葬遠祖入林以墳堅不克開已之南林有諱太者廢齊朝以効用從征有功補進義副尉本朝皇統四年換授進義校尉遷忠翊校尉歷任兗州醋庫其諱宣者值大定十一年特恩授進義校尉北林之葬嘗有廬於墓者人喜稱之至今傳爲孝林其諱政諱伸諱真諱舉諱堅者皆以大定年特恩授進義校尉李氏自唐迄今五百餘年矣似續蕃茂闔族五十餘位大小五百口散居諸村或大小郝或南井河莊例爲甲乙戶阡陌連接雞犬相聞大率俱以力田爲業生產溫厚衣食充羨且知禮讓重廉恥尙節操孝友而慷慨歲時祭享先遠祖次兩林酒醴羞饌精潔而肅敬不敢稍置懈怠有南林之孫文在族爲白眉嘗歎曰文有二恨於心終不忘遠祖御風而來事出神異想其爲人隱德不凡旣無碑碣考按雖欲稱述者不可得此一恨也遠祖一林與南北兩林其

爲福蔭子孫賴之。□□與耐□之祖以至葬之歲月俱不克知。此
二恨也。往者不可諫來者猶可追。因入城惠訪求文以爲記。欲刻
翠珉以示來裔。余於李公有一日之雅。不容以衰老辭。乃略其不
可知。掇其可知者。紀之。有疑則闕之。如古□良史云。若夫昭穆之
序。則詳見於碣之陰銘曰。

偉李氏之巨族。兮連阡陌於諸任。有遠祖之御風兮。亦神異而可
驚。兩林相望相南北兮。又豈□鬱鬱之佳城。滋福蔭於來裔兮。水
愈秀而山明。不然五百載之後兮。何餘慶之日。增知禮讓與孝友
□□。詵詵之雲。仍惜乎先世之隱德兮。無所考而莫稱述。可見於
斯文兮。庸昭示於後昆。石刻拓本

成氏葬祖先墳塋碑

承安四年

鹿汝弼

承安四年歲次己未春正月成氏諸族耆耄訪予於巖石之下。禮
節甚敬。予目而問之曰。諸公皆郡邑豪士。何枉曲車從而詣予。野
老蓬蒿之閒。乎諸成皆曰。我之先祖既已斂葬。歲久敢託子以紀

其行跡銘於堅石庶獲不泯於後世者耶余悚恐退避而言曰予櫟社之才不足以稱巧匠砥砭之璞不足以爲執圭安能以發明令祖先之德哉蓋聞上古之人葬之中野不封不樹喪期無數後世聖人易之以棺槨卜其宅兆而安厝之絳棺旣窆窆旣封或如堂或如斧或如馬鬣刻之堅石以紀功能此所謂盡其孝子之心矣竊聞郭生之德待中郎而後顯宣城之節由記室以彌彰墮淚之碑尙存絕妙之詞可羨遐邇殊途優劣各異然同居鄉邑義不克辭謹摭其實而敘之成氏自高祖已上世居金鄉縣成村人也梁末之亂因避地徙居任城縣之屬山村於廢齊阜昌間始建嘉祥縣則任城之屬山以隸嘉祥其後子孫遂爲嘉祥人蓋自高祖以上不知其諱自唐以來十餘世矣高祖諱方生三子長子諱未聞次子二公諱汶妻衛氏生三子其後子孫皆二子之後也迨至天會閒兵革之亂四方雲擾居民逃難解散是時成氏之族已數十餘戶諸成氏等與昆弟相議而語曰若此荒歲豈不懸命於

干戈之斃乎當率其眾據山險爲之堡寨安老幼於中以俟休息
不亦可乎諸子皆口敬諾其策乃舉其族內諱進者及諱寶者俱
爲寨長每驅少壯以守其隙盜不敢向視者眾矣後三載天下
休兵四方安靜得全者萬口皆諸成眾族之力也本朝太守并倅
乃保此二寨長具功申覆其後進與寶俱受進義校尉寶後官累
遷至昭信校尉雲騎尉數爲見用每不自矜幽閒燕居則申申如
也同諸昆季皆享年有永并諸姪暨諸孫或有行跡或隱德不仕
或以農口口勤儉有節或通儒學見父之執兄之友常加肅敬况
於事父兄之禮乎鄉人皆以成氏諸子孫孝悌之道悉爲標幹信
可謂諸子孫堂堂乎成氏難與並爲德矣諸女亦百數皆適殷富
之家至大定十一年十一月主上郊祀之日賜天下年過七十者
受進義校尉是年得補官者一人曰緯次承安元年冬十一月復
制郊祀亦如前下明詔應七十已上者特補一官成族中被官者
三人曰彥靖曰政曰就曾元孫至百數未名者數十人自梁唐已

來未有如此之巨族也上下十世閒相繼家風父慈子孝兄愛弟敬夫和妻柔姑慈婦聽遵依八義師慕五常嫺睦族系成教其子曰孫曰我自先祖之下治家勤儉好禮義施仁德畏刑罰避凶暴以是全身遠害而已乃至積年殷富婦女治蠶絲麻臬以製衣服雖有荒歲何罹凍餒之災乎於宋建隆元年庚申歲始克合葬於徐山之原從先兆也次戊午年諱鎮者爲祭主再葬後喪者祖域次丙子歲五公諱寶者爲祭主口耐祖考於先塋內寶卽昭信也次癸巳歲八月別卜兆於此林域之南相鄰舉諱式者爲祭主於南再建新域葬祖考焉次大定癸卯十月諱淵者并諱材者二人同爲祭主復葬祖考分穴於二林內次明昌乙卯十一月命進古爲祭主葬諸祖同考妣於二林內蓋自前庚申到此卜兆於此塋域并南邊新建兆域之二林內者已六次矣聊敘其先後也嗚呼卜其宅兆庶安厝於幽靈樹口松楸使樂處於魂氣式表貞堅之意用明功績之勤春秋祭祀無忘愛敬之心歲月遷移不負虔誠

之志稱彼族系以示後人乃爲之銘曰

惟天鑒下福善禍淫積德既遠厥慶彌深禍既不作蓋由德音牛山之木枝葉陰森巫峽之水流派滂潏惟茲成氏俱享永年克盡其孝孰爲比肩或入於仕或隱於田輝光燦燦祚允縣縣流慶後裔其何已焉大金承安四年二月二十五日

石刻拓本
以上原列卷八十六

金文最卷四十四目錄

墓碑

顯武將軍張公墓表銘

聶柔中

伊尹墓碑陰

陳思忠

東海徐氏墓碑

承安四年

失名

益都鄭公墓碑

承安四年

牟仲勛

華州華陰縣創修仙蛻瑩碣

范若水

特贈金紫光祿大夫上護軍戶部尙書太子太保太原郡侯

賜諡文端無疑武公墓表碑銘

李仲常

棲閒居士張中偉墓表

沈英

中靖大夫邵公墓誌銘

訾棟

清河張氏夫人墓誌銘

以上原列卷八十七

王寂

保大軍節度使梁公墓銘

見文雅

趙秉文

郭公碣銘

見文雅

趙秉文

孝義縣丞崔公墓銘

趙秉文

盤安軍節度副使姬公平叔墓表

見文雅

趙秉文

遺安先生言行碣

趙秉文

贈銀紫光祿大夫翰林學士承旨張文正公神道碑

趙秉文

任子山壙銘

見文雅

趙秉文

中大夫翰林學士承旨文獻党公神道碑

見文雅

趙秉文

贈少中大夫開國伯史公神道碑

以上原列卷八十八

趙秉文

金文最卷四十四

昭文張金吾月霄

墓碑

顯武將軍張公墓表銘

聶柔中

世之懷才抱藝之士欲立功名於後世取富貴於口年者不繇文武兩科而進末由也已夫繇文而進者大則謨謀於廟堂之上次則優游於郡邑之間口實繁有徒而繇武而進者達則受斧鉞之寄窮則廡縉紳之列者代不乏人吾鄉張公顯武者卽繇武選而廡縉紳之列者公姓張名琪魏之華人也胄出漢留侯之裔幼慷慨多大志身長口尺有奇膂力絕人便武藝精熟異眾當亡宋靖康年間經河北東路提刑司試中保申大名府按試時武舉格式神弩弓七石五斗步弓口口口口弩四石五斗馬射口弓一石五斗當時就試者八千餘人中選者止三人而已公中第一人特補進義校尉卽便差充統率莘縣應募強壯軍馬準備出戰至建炎

元年八月內隨從統制官孟世竈解興仁府圍立功轉補進武校尉於天會七年六月內差權大名府第十五將隊將至阜昌四年十月閒差權耀州三原縣尉至阜昌七年八月內準大總西路口府機密房劄子差充中軍將官前去盧氏縣破滅羣賊立第一功於八年七月申差充河南府翼縣巡檢至天眷二年正月內依準詔書經河南府告乞歸鄉別稱差遣於當年口口內奉宣命任博州聊城尉至七月中準本州口口口在州人馬隨從都統觀察充副統領官破滅泰安軍叛賊張貴等於當年七月二十七日見陳追殺至二十四日勦除無餘至天德二年四月內任平涼府瓦亭寨主簿任滿而歸閑居不仕至大定二年上眾親勸令承仕勉從眾議於當年十月口到平陽府趙縣酒稅都監以監權非所口乃移滿歸口口口鄉里晦迹不仕若無官爵者與村實言勸以力農與市人言勸以勤儉與人子弟言勸以孝弟餘無所言終日獨坐不修威儀不事權貴恂恂然似不能者有太古遺民之風至明昌

二年七月內乞致仕優游數歲至承安元年五月十七日終於家
官至顯武將軍騎都尉清河縣開國子享年九十有四葬於縣之
修善鄉皇樓村之原以從先□□公兄弟四人長曰瑜武舉及
弟次曰瑾次卽公也季曰玠先娶□氏生二女長適劉氏次適劉
氏蚤卒繼娶文氏生一男曰孝榮亦蚤卒再娶□氏生一男曰孝
和三娶皆以公階五品而封清河縣君云孫男六人長曰汝礪次
汝楫業進士舉有聲次汝霖汝賢汝翼汝爲公當宋靖康之亂有
羣賊楊大郎等入村鈔略兇橫眾兄弟皆散去以避其鋒惟公趨
家救母背負而逃賊眾追及欲害之其渠率楊大郎唱於眾曰此
人乃孝子也害之不祥眾乃斂威公之母子果免危掇其孝動人
有如此者公未中選時其母常憂靖康閒飢險之戾日夜愁惱不
聊其生公乃告之曰無慮我去就武試也須要必中若中選何憂
乏食後果中魁選全家優食廩願其志於立身有如此者公嘗被
廢齊差往東路起鰥送長安至彼卻起金還東路交納至河中府

其府官等僞設筵待以阻其行有欲金之意公乃託故上馬便行至城門已懸鈞橋以斷路矣公乃揮劍斷橋之鐵索縱騎而過行不三四里有軍追及公乃命金橐先行獨殿其後引弓反射眾不能追一口而退遂完而納之其勇於濟事有如此者公嘗語親識曰我從軍一世凡經大小戰無慮三五十陳不曾妄害一人以希官賞天必報我公果享年九十有四若合符節然公之志行概多類此不能縷數其子孝和以公在制五品官合立墳旌將其禮狀公遺行欲琢石表墓以圖不朽乃以文見屬柔中因懇辭曰乃公顯武雖爲右選其孝其仁有足稱者仍官五品壽及百焉世所鮮儷盍求諸名卿才士以張顯之顧愚老繆原夫之學猶不追人何敢拜辱恐不足以發潛德之輝光答云以公鄉曲老生宜知先考之詳公而固辭其誰宜爲柔中再思之其事實其子孝於禮有可稱者口系之以辭曰

清河節慶挺生偉人孔武有力旣淑且純幼負大志銳於立身武

藝精熟斯聯縉紳帥府按試憲司保申弩開七石弓挽六鈞樂中
魁選武藝絕倫遂食天祿以振吾貧雄翼孟帥圍解興仁三任仙
尉兩破賊羣存心不殺□報如神官階五品壽踰九旬翼翼二子
誥誥六孫告老而退以養天真福壽康甯五福薦臻天不憖遺□
□凶□□□神道立石旌墳以告永世用播芳塵石刻拓本

伊尹墓碑陰

陳思忠

人有與天地立心與生民立命與萬世開太平者其惟阿衡伊尹
乎嗚呼尹雖已往名留於史道載於經固無庸贅詞也然其坐域
歷世踰久人罕知者在所表而出之偃師縣爲今河南府之屬邑
邑西十里曰尸鄉尹墓在焉按周書立政三亳史記正義曰偃師
縣西南五里尸鄉南有亳版東有城卽伊尹放太甲處也寰宇記
云湯都南亳在宋州穀城縣今廢按宋州卽今歸德州今有穀熟
店皇甫謐曰湯居亳與葛爲鄰今之甯陵縣有葛椰睢州考城縣
有北亳城是爲北亳師古曰皇甫之說不經愚按寰宇記所云與

謚之說亦皆有理然以書攷之盤庚自耿復遷於亳作書有曰古我先王將多於前功適於山鄭氏曰偃師東成臯南轅轅西降谷者依邙山故曰適於山也且商人厯世十九而都凡五遷皆由河決之患今歸睢之地雖有二亳皆平地迥野有河無山盤庚未必欲復遷於彼則湯放桀之後定都西亳明矣又按圖誌云伊尹旣沒沃丁以三公禮葬於西亳西北十里今云去田橫墓二百步愚因公由偃師過孟津道經墓下詢諸鄉老里有王文者論曰余自父祖居尸鄉識此爲伊尹墓國初鄉先生程彥魯輩考實載之圖經蓋文仕國朝二十餘今以老謝政歸誠不妄人也且墓西有田橫冢相去僅二百步徵諸此而益信嗚呼尹以事君之誠發而事業炳若日星充塞宇宙不隨時而化不易世而泯雖一坏之土百世之下猶使人仰之若泰山然豈人力所能致哉爰立貞珉鐫著姓氏且勒其事於碑俾後人知所敬慕云

集成恭錄

謹從

欽定古今圖書

東海徐氏墓碑

承安四年

失名

伏以徐氏之先人據郡書乃太公之裔也於是之時有食采於位者隨望所封以爲氏焉其望則不一或出於東海高平或去於濮陽彭城當有始祖而諱於桓也其次所諱通佺昌瑋約更勳及勢陵丁蘭等凡此皆時封侯伯輔國於民之上位也其後流芳四布赤縣神明或爲士農或作工商其業則不一此略舉於初以彰徐氏之先其上顯著以迄於今苗裔興焉今斯徐族有諱用者同姪雲等來謁於予求爲石銘願無見辭予於是曰不愧俚鄙聊舉徐氏之先宗以彰令族之後裔舊址新居自曠古以來戶業相貫濟州任城縣東南巨城之北王村居焉其後有祖遷之匡城今曰兩城村也所有王村於口統年閒取之東魯而於本口不附村也不越匡魯兩村之境而有祖林二座一座最祖者於東魯南聖山西南隅其次二座一座於匡城口東石城之陽其末一座亦於匡村石城之西泗水之東匡城之北子冢之南卜其宅兆而安措之

□林三處春秋拜掃而□闕焉□□□幸奈用之眾族前值兵革
紅巾作亂或竄或隱逃生避難詎能圓聚至於撫定後來猶分五
葉一葉三伯是用之族□□□□有家屬遷於承縣界於今不復
或榮或枯未可得而聞也惟有三伯獨戀鄉貫□於族兄方之家
有兄侍養九旬有四而終也□葉遷於□縣界魯橋鎮西劉家莊
以田業所居而別□塋域也然而雖居異止本□一宗是用之族
弟也一用亦遷於北薄梁村穿土興□□戶貫邾久樂於斯而不
得還鄉也而弟兄有三曰用曰禧曰祐而我雖居異止享祀則一
唯姪雲弟霆二葉不離木□常守先塋□亦乘田勝遂子孫蕃衍
雲之弟兄亦有其三曰雲曰立曰父霆之弟兄而有其二曰霆曰
忻其外枝蔓各具碑陰故乃刻石立銘磨成不朽之圖異里命工
琢就無窮之記可得明昭辨穆知宗別派其如指掌矣然□是况
仍云奈每履霜雪之悲□懷風樹之切感恩多生父母厯劫親屬
懷耽乳哺長養慈愛罔極之恩豈爲輕報故有姪雲等遂洗塵離

垢而於家庭廣開靈鷲之眞筌磨礪之至典普資濟拔也予聞五常之軌百行之宗惟孝爲先其有徐氏之門生則事於無違死則終於哀戚春秋拜祭冬夏追攀眞可謂光□顯祖酬恩答義乃孝子之報親終矣復爲贊曰

昔在徐先東海爲鄉處望封氏太公時彰今斯裔者乃類其芳三林列祖五葉排房石鐫光派林卜塋塋左昭濟濟右穆踰踰生事死葬薦拔蒸嘗爲緣孝感祚裔枝昌時大金承安四年歲次己未七月二十有六日石刻拓本

益都鄭公墓碑

承安四年

牟仲勛

祖父東萊界山人也大□□□□諱海伯祖諱清因遭宋季兵火挈家西來卜居營邱□□□己丑年八月二十二日生享年六十有七十一月初一日卒祖母趙氏父諱信孝顯父母聰明識量勤勞不怠成家有聲迺戶計增大辛酉年三月十五日生享年四十有九大定二十九年正月初五日卒母閻氏孝敬舅姑承夫內助

不幸夫歿守義□有二子三女年皆孤幼養之育之使不覺有失父之孤長子溫旣立娶師氏爲匹次子良弱冠而絕三女皆適名家而家道備矣尙勤儉訓子貞順清潔淑德懿行鄉人皆稱之一日乃謂其子曰爾之祖父母我之姑舅大事未備奉親之道如何耳溫素著孝行敬事孀母聞之垂涕追念其父創家之難戰戰兢兢心之憂矣我祖我父率□□土未能□卜敬從母命今幸歲月通爲之大葬擇其良師卜其□□安厝之歲次庚午立□四月十日三日孤子鄭溫請予作記以紀其實命工刻石□於靈側

石刻拓本

華州華陰縣創修仙蛻瑩碣

范若水

古之學游方之外者名曰道人自兩漢而下及晉宋唐宋閒□人逸士無代無之劉向始作列仙傳葛洪作神仙傳陶隱居作登真隱訣而後沈汾作續仙傳賈善翔作高道傳莫不錄其行事載其□□□□苑之仙風金馬玉室之□侶造元洲者有之□紫霄

者有之或歌踏踏詞輕舉而升天□間隱去來□形而□□或□
化而再見山前或既□□復進當歸或赴玉龍橋之宴集或爲青
童君之所召或拔宅上昇而隨玉皇之詔或棄家遠□□□溜
之遊皆□□間所曾見者豈虛□哉□之仙傳蓋若此也□又觀
之歷□□史皆敘君臣國朝功名之事其於□□列傳之外□□
之人未嘗或廢隨時人君莫不向風景慕安車蒲輪交湊山谷益
見道尊德貴□可尙者自來華山上下棲隱之□□爲少矣幽人
遺客之齋房隱士道□之庵□鱗次山下遠近相望其間修行堅
久日月既老羽化亦多彼人者皆□□形於無形之表超數於無
數之先其生也則徬徨乎塵垢之外逍遙乎無爲之業其化也則
古今爲□□死生爲一□修之至此何所往而不安哉或告門人
遠遊而入谷坐逝或留妙頌辭世而放筆無言或側足而長□或
顧影而立□若此之類各葬林□並葬巖公名姓雖存骸骨異置
今者道流雷道昇發心聚葬遂於諸處收拾近年□化之骨如丁

先生本潁昌□韓□□本河間人各壽九十餘視聽不衰談笑而化其餘高道之士無疾而逝者共一十餘人擇得勝地在牛□□之北□祥觀之東巍巍高阜獨占一邱鑿山而下修此瑩域龜筮協從大開一穴將□骨目年代□次環葬其中名曰仙蛻之瑩寶大定二十五年十月十有八日也雷道昇蓋道門中穎悟超達慷慨士也修真鍊性□□年矣受法籙精醫□□功較行兩者兼之能人之所不能爲人之所不爲惜其已化之人寂然無聲□於此事略□存心大協眾議葬事旣終一日訪予於馮翊且曰子亦道流也幸爲我作一碑以傳來世子老矣寡於聞見而拙於敘述□能□聊著其實□謂之曰自古入道門中雲水遊閑者蓋不可以名姓數皆不修墳域而□□□往往高談闊語□□飛昇而恥淪生死今日之葬非古意也竊有疑焉雷公夔然而笑曰是大不然道不可以一塗而得又不可以一槩而永且如□仙□呂真君結庵四十年人無識者旣化門人劉裕之藏骨於石室□□□處

見之再尋所瘞空棺中所見二□字陳希□將化先一□□門
人曰吾當遠遊峨嵋明日入谷至試鑿龕□□劉□□居洛陽已
死之後金蟬出頂其形亦無李□明遊鳳翔□化之後□□蜀
路□書謝葬若此之輩不可□□若釋門中達磨師葬後西去空
棺中唯存隻履佛圖澄葬後掘冢空棺中但餘□石由是□之亦
安知今日壙中之葬者得無真君之□希□之遠遊秀峯之金蟬
□□之謝書□□□仙蹤□□□昇聚□之議不足疑也夫
如是然後知雷公之說□□而前日之疑斷可釋也今□□葬之
人姓名鄉貫列之碑□□助□□葬者各布於後因系之銘曰
巖□華□幾百斯年中有□室實名洞天遂使幽人景慕神仙月
來日往亦不免焉巍哉此塋依山之下□葬□□□道者或掩
其壙或棄中野以道觀之皆非實也百年既□惟餘一名死而不
亡亦曰長生飛颿倒景與此同程千載之後瞻仰茲銘大定二十
七年八月望日

石刻拓本

特贈金紫光祿大夫上護軍戶部尚書太子太保太原郡侯

賜諡文端無疑武公墓表碑銘

李仲常

大定三年三月戶部尚書文端公卒於里第越明年崇慶元年二月二十六日其長孫蟾枝君扶柩葬於蘇村先人之側浼予爲墓表碑記予素受知於公不敢以不文辭遂按狀武之先來自太原會祖秀祖繩其父居仁以公貴皆贈如公官曾祖妣董祖妣鄭妣崔皆贈夫人公諱明甫字無疑號太虛賦質醇厚聰明過人年方弱冠卽登貞元狀元及第公生平不置宮室所居湫隘僅足以蔽風雨嘗謂孫蟾枝君曰吾一生爲清白吏家無餘貲止堪度日吾故後汝慎勿另治葬地仍葬我於先人之側不必治葬具安石仲翁是汝之孝也其孫悉從治命噫公可謂廉靜寡欲不事紛華者於是銘曰

陵川之區山嶽之神淑氣攸萃實生哲人維我武公盛世良臣文成威鳳人號玉麟始仕諫垣章疏屢陳繼擢詞林益勵忠貞兩守

名邦撫字勞神顯秩司農精白乃心總理錢儲毫無私心數年之間貫朽粟陳急流勇退惟公一人優游林下落落風塵不欲隨俗先囑後人蘇村祖塋是吾返真孫從治命悉如公心止豎石碑以垂後昆

陵川縣志

樓閒居士張中偉墓表

沈英

君張氏諱中偉字充甫其先安定人徙居五原之張義者最號望姓君張義族也曾大父諱遇贈太保大父諱存贈太傅父諱達贈太師宋靖康末以右武大夫刺吉州王師圍太原引兵赴援力戰城下死之宋人嘉其節繡袞之贈上及再世諸子皆以蔭補官君甫七歲授保義郎累陞忠翊郎比冠特授昭毅郎閣門祇候而兩兄皆已貴顯伯氏原國公中孚時經略涇原仲氏宗國公中彥亦經略秦鳳故辟君涇原幕書寫機宜文字君性純質重義氣尙志節凜然有父風旣秩滿會關輔多故遂無復仕進意兩兄屢相稱引當途者將處以郡佐不屑也少日屏居南山築室開軒榜曰睡

樂以寓起居閑適之意先時有宅京兆松檜交蔭深閤清闕如在巖野而城南別塢又當杜曲佳處於是種竹引流日加營作幅巾杖履往來其間山人野老或與接袂未識君者不知其爲貴公子也齊國旣廢河南之地復歸版圖而原公入被柄用顧問所及首以君材爲對他日安閒之日因諭君以廡仕趨其行君復書辭之大略以爲貴賤窮通各行其志累辭數百陳義甚高且以詩繼其後獨道韋杜閒花發酒熟之樂而不及其他原公讀之愴然自失曰是不來矣宗公解印恆山對君清話自慮涉履憂患抵掌歎息蓋羨君閑中所得之勝而媿君早退之勇也君素懷經濟之略而養志旣久滋厭仕宦故晦不自顯若與世相忘者及酒酣慷慨論說古今人物與夫治亂成敗之迹皆詣理極人然後知君非無意於世也平生嗜讀書尤善作詩語意冲澹蓋感而不懟樂而不流有晉宋詩人風致善五古□□□□文集凡數百篇號曰三谷蓋原公曰長谷宗公曰野谷而君曰義谷云君天資孝悌常以

不得養親爲恨霜露所感每不自勝原公有疾日夜侍左右不少去□□密翦臂肉雜藥以進疾遂以平宗公薨於臨洮聞訃悲慟嘔血累日扶護歸葬哀動行路鄉里稱之大定二十五年十二月庚戌以疾終於家享年六十七服官擢昭毅更換新命凡六遷爲承信校尉先室王氏繼董氏前□□男三人曰仔曰佐曰佑女四人皆適士族三孫涇渭□□□□□□以明年三月甲申奉君之喪葬於郿塢之斜渭鄉原公墓之東明昌改元仔來京師以君阡表爲屬初君之葬也翰林直學士黃久約旣述治行之詳誌諸墓矣乃獨論其大致而繫之以辭書云惟孝友于兄弟施于有政是亦爲政孔子曰君子之仕也行其義也又曰隱居以求其志行義以達其道惟君孝友所立卓卓如此施之有政□□□君子之達道□舍曰義而已矣聞之昔人貴則公之賢則君之竊哀君之志而高君之風故去公而書君賢之也辭曰

義谷之雲兮油然而霖雨義谷之木兮隆然而棟宇嗟君之口兮

胡爲乎隱處□谷之樂兮唯義是取□□墓兮□□□□兮流
淙我則倦遊兮豈曰不逢胡爲中谷兮唯義是從孝悌兮至行雖
不用世兮□□□□處□義兮窮達有命□德□□兮□德之
下缺琢神門兮翠珉君乎在兮不忘 鄆縣志參陝西通志

中靖大夫邵公墓誌銘

嘗棟

先生諱世矩字彥禮其先幽州人至石晉之亂遂之於浦因家焉
曾祖通奉諱化伯祖金紫諱奎伯父朝請諱敏能皆進士登第俱
累典大郡父儒林諱敏德仕開州司戶宋末兵革擾亂家事索然
宗族解散先生孤處鄉中多難劇貧而無他念惟務讀誦朝夕不
輟夜乏膏油縣君時與燃薪繼晷精勤不知寒暑初則治詩後無
文籍惟存戴經全帙遂改治焉曾不數載以至精通迨廢齊阜昌
六年開闢應試作兗州解元省試第二人廷試第一甲第一人登
第時年三十有六敕授承事郎單州僉判次任皇統三年授祿州
防判次任冠氏縣令次任京兆府推官次任朝城縣令末任河中

府推官逾歲而致仕官至中靖大夫先生性資端慤居官廉直利
毫無犯自儉約爲節所在屢有治蹟雖州牧侯伯亦不阿事常不
以進爲念所樂者詩書而已故在常調亦不苟進年纔六十有三
遽然告致而歸守道恬淡真古君子所爲年六十有七時丁亥歲
八月三日因病而逝男有六人長曰敦仁與佑僕侯佐傳女四人
孫二十一人曾祖通奉暨父儒林皆先葬夏村西北狼石溝東岸
緣舊塋瀕河水漲侵近大定二十八年歲次戊申二月六日別葬
先生於泗河之灣始娶鄧氏病卒再娶許氏後娶王氏皆封博陵
縣君因祔葬焉學生訾棟幼蒙教養稔聞先生行狀諸子昆仲令
棟作誌辭不獲已姑述大概以應其命爲之銘曰

甘棠餘慶世生直臣我公彬彬博物洽聞卓冠豪俊內蘊經綸進
不屈指退能保身完名高節耀乎搢紳

徐州志

清河張氏夫人墓誌銘

王寂

夫人諱某字季玉姓張氏易人也其曾祖之上數世皆以貲產長

雄於鄉里然高氣節務施舍人以此多之大王父諱孝端主汾州五河簿王考价宋宣和間補祕書省祕書郎景州戶曹掾本朝改奉信校尉隱居以終夫人年十四歸於今中都副留守王寂夫人性敏而靜恭執婦道閨門肅然言動有法實生二男曰欽哉業進士曰直哉供奉班祇候女昭余適左國公孫茂年三十有五以大定六年十月十八日卒後五年晉封太原縣君大定二十二年七月十七日葬於遵化縣靈應山之東原從舅姑兆銘曰

夫人之祖長雄且豪尙義好施人以此高夫人之性惠敏而靜閨門之閒曰嚴與敬夫人之壽方七十年乎天乎孰謂福善婦德旣完婦道可觀從舅姑兆魂其永安

拙軒集
以上原列卷八十七

孝義縣丞崔公墓銘

趙秉文

君諱憲字子真涿郡良鄉人世系載先塋幢事業載壙銘先生賦中庸之正性抱醇懿之休德不沽激以忤物不苟合以趨時淹貫六籍兼綜羣藝循循焉彬彬焉善誘善導可謂淑人君子者矣故

能學爲人師行爲世表慈祥孝友篤密愷悌人無得而稱焉然天下學士大夫言善人必曰子真云其醇而不耀陳仲弓黃叔度之流乎無何稟命不融以大定二十九年卒於官春秋五十有二官止於孝義縣丞嗚呼惜哉先生一第進士甲選以誤黜再上復中乙選是材之劭猶以行掩之也與同邑劉器博翟瑜以道義相友善門人前左司郎中劉昂等僉以有道無命宜有譔述勒命斯表用旌不朽銘曰

元氣氤氲降爲仁人舍和韞真不淄不磷介然而石溫然而春聲溢天下祿纒及身青雲諸生滿其後塵勒銘貞石垂聲不泯

集

溢木

遺安先生言行碣

趙秉文

先生姓王氏諱礪字逸賓其先臨洛人先生實生於汴梁嘗以洛川自稱不忘本也自幼穎悟絕羣外類如也初學詩於伯父震落筆驚人震自以爲不及未幾詩名大振加之孝於親友於弟誠於

人篤於已遠近論大行必曰王逸賓矣初孟公宗獻友之張公璧
叔獻趙公颯文孺皆師尊之先生天性謙至待□□之友若居己
上及數公相繼魁天下直玉堂然後先生之道益尊名益重朝賢
兩薦明德先生以書抵故人之位清要者苦以親老爲辭議遂止
明昌末聖天子詔舉德行才能之士鄉人耆德諸生五百餘人薦
先生孝行忠信文章爲世師表朝廷以素知名特賜同進士授毫
州鹿邑主簿先生年幾七十矣以目苦昏暗卽日移文有司以老
疾乞致仕朝廷猶以半俸優之首葺先塋次以分惠親舊計月而
盡泰和三年八月二十有七日以疾終於家臨終神色不變戒其
子棺周於身足矣語畢而逝葬於祥符縣魏陵鄉蕭氏之園先生
教人先行後文與人交終始不易居喪齋疏哀服不去身二年與
二弟同居終身無閒言平居循循醇謹視若無能爲至不義矯如
也其詩冲淡簡潔似韋蘇州嘲戲風月一言不及也所與友皆世
知名士若文商伯起張公藥元石及其子觀彥國王琢景文師拓

無忌酈權元輿高公振特夫王世賞彥功王伯溫和父左容無擇
遊道人宗之路鐸宣叔右丞唐括文正公鎮南都以禮致之不能
屈及與貧士談兀坐終日不知誰爲主誰爲客也嘗冬日詣一親
知家會坐客滿主人貧窶爲代給所須坐客疑其寒物色所得乃
典錦衣以贈也喪其母鄉鄰或賻以布帛拜而受之異日復歸其
人曰吾親安吾貧義不可受也其廉介類此其貞純之德卓絕之
才淵深之學廉正之操黃叔度陶淵明元紫芝司空表聖之徒歟
以乘文明昌閒轉河南轉運幕過相謁坡軒居士酈元輿居士曰
君知王逸賓乎斯人當今顏子也君不可不埽門求見之既見曰
酈公知人矣自是之後虛往實歸及其重來墓木已拱嗚呼使子
雲見之不當絕歎於李仲元蘇允明見之不當見稱於元子不意
千古之下復有斯人乃伐石樹碣用旌不朽於是爲之銘銘曰
居今而行古身晦而名章不獨以詩昌猗

溢水集

贈銀紫光祿大夫翰林學士承旨張文正公神道碑

趙秉文

貞祐三年冬十二月十六日翰林學士承旨張公以疾薨於正寢訃聞上爲輟朝命敕祭敕葬贈銀紫光祿大夫諡曰文正前代諡文正者不過三數人本朝唯唐括丞相與公二人而已嗚呼亦可謂榮矣初明昌泰和間明天子勵精政事修飾治具典章文物高出近古公之父清獻公任奉常春官朝廷典憲皆其討定修國朝儀禮完然爲一代法其後公繼之前後垂三十年凡朝廷有大制度大典冊大號令至於紀世宗顯宗章宗三朝之宏休偉烈未嘗不經公之手初宋人寇邊南鄙用兵書詔旁午公獨任其事沛然有餘朝廷以平章政事僕散揆軍回右副元帥完顏匡等圍襄陽又賊帥邱密遣人告和或議乞以恩旨許將士回日俘掠公言君人者與爲將帥不同君道以仁義爲主弔民伐罪而已將在闕外權其事宜可也借如軍士應須俘掠與出之自上不若出於帥臣之爲愈也其論襄陽可攻圍與否及欲分淮南之半爲界公言向

者大舉本朝蕩平江漢今平章軍回竊意在彼事勢或有未得如
吾意者但隨所得郡縣撫而有之彼必以我圍久駐之計方事進
取震懾畏亡求成不暇矣不必以淮南遠近爲斷其後張巖書來
以朝廷所須五事但欲量增歲幣歸泗州俘略朝議以面奉聖旨
必以割地稱臣使得贖罪爲辭公又言有司之事容可擬議至於
聖訓理難中止大定初蓋度僞宋必能遵稟故令帥府開示聖訓
報諭今旣聖度包荒竊恐宋人以要約重難愈於求請不若使其
易從然後示之聖訓重以生靈之故曲從來請庶幾兵革早息其
後以叔易伯重增歲幣函賊臣之首獻犒軍之賞公在翰苑籌畫
爲多南邊底定固賴明天子與大臣協謀蓋亦有內相之助焉初
清獻公由禮部郎中出守林棣公代爲郎中及以尙書遷亞相公
復爲侍郎及清獻公致政之後公又有御史之拜衣冠傳爲榮事
故其誥命有鄭之桓公代爲周司徒韋之賢成繼作漢丞相之語
公之沒朝廷以公家傳禮樂復命其弟行信爲禮部尙書自非學

問該博議論篤正而濟之以深醇之行勤敏之操何以有此公諱
行簡字敬甫莒州日照人祖莘鄉以醇儒碩學顯名當世仕至鎮
西軍節度副使父暉經明行修嘗任御史大夫公大定十九年擢
詞賦進士第一時年二十四云云公性純厚端慤謹慎周密口無
擇言而爲善不近名修道不求容唯以公勤忠直自結人主之知
是以歷仕累朝俱蒙寵遇平生少交游寡言笑嘗以謙敬自持待
人以誠而與物無忤故薨之日朝士大夫哭之哀也曰世不復有
斯人也云云其家風醇謹則似萬石君通達典故似虞秘書經學
論議似孫宣公詔誥典冊似李贊皇人得其一已獨厭餘不幾於
全乎銘曰

天地元醇降爲仁人含和韞真不淄不磷行爲世表文演帝綸家
傳禮樂載筆終身敢有一事墜其清芬歷事四朝寵數益新何以
致之唯敬與勤緇衣美鄭德星聚陳願後絕配瞻前無鄰惟清獻
公如萬石君歲時問勞寢膳以聞慶建白首朝服事親明星忽逝

孤月獨晨永懷道陵鼎湖上賓金鑾舊夢玉樓斯文忠厚之氣歿
爲明神公薨汴陽而葬南原過者必式惟文正之墳

滄水集

贈少中大夫開國伯史公神道碑

趙秉文

始余聞季宏父名於相知閒行高而學博能文翰善談論下至博
奕亦絕人遠甚及來京師始識之温厚謙冲殆過所聞其問學愈
叩而愈無窮與人交愈久而愈不厭自趙黃山王黃華諸公皆屈
己尊禮之又與其婿陝西東路轉運使龐鑄才卿有冰玉之譽觀
其爲人與所交游其家世可知矣季宏又嘗語其兄公雋能詩洎
山東詩人王頤養道爲唱和友獨恨晚生不及陪奉其先大夫杖
履意必有名儒鉅公發其事業第未之見也一日季宏悵然曰先
大夫之才之行不減古人鄉先生張晦嘗志其墓矣崇慶二年公
奕任太常丞命子壻龐鑄狀其行求翰林學士承旨前禮部尙書
張文正公爲之碑文未成秋八月公奕改簽山東東路按察司事
無何中原受兵大河之北莽爲盜區鑾輿巡幸陪都百官奔走扈

從旣而文正公泊龐鑄相次下世求遺文於其家俱無有也公奕亦遭益都之喪亂子身渡河生平所藏書掃地無餘公奕不幸早孤族中老人又皆物故是以無能道先君行事者姑以舊聞粗記什一恐遂泯滅無傳唯是窀穸之事所以託不朽者惟子是在敢以爲請某與季宏同僚也其敢以不敏辭謹次而銘之公史氏諱良臣字舜卿其先洛陽人石晉鄭王之後曾祖大臨祖士元皆隱德不仕父淵徙大名鄉人稱善人力教公讀書後以公貴贈儒林郎母太夫人蔣氏魏之甲族也儒林君旣歿躬教以義方公亦卓然自立文學富贍大名李釜名臣之舊館置公於門下年二十四登宣和六年第調成安主簿俄丁太夫人憂哀毀過禮會宋滅皇朝撫定河朔安撫司辟舉監北京內東倉遷冀州南宮令涇州觀察推官德順州節度判官後歷清豐濮陽大名三縣令耀州三白渠規措以長子公雋之亡也尋醫東歸世宗卽位復爲南樂平陰二縣令潞州觀察判官年六十九卒於官大定八年八月也先娶

大名俞氏一男曰公雋妙齡秀發有聲場屋間詩筆妙絕年二十八無祿早世再娶德順毛氏親衛大夫惠州團練使緯之女賢而有家法二男公彪公奕四女適毛城賈錫任祚梁僕公彪武節將軍淇上埽巡河公奕太中大夫翰林修撰公在新安時李成帥河南豪縱不法上下莫敢忤其意一日人持府檄及囊封至縣封有河南印章及成手迹曰府主須金如囊封之重縣吏股栗唯命是從公獨笑之命啟其封吏皆叩頭曰事若實則吏死無爲也公卒令開之果盡石也其詐乃得居平陰日縣豪民王八十者持吏短長爲一邑之害小不如意陰以法中之縣官熟視不敢誰何公至召之庭中訓以義理遂感泣改節卒爲善人晚節居潞州上黨一愚民以財雄一方率數村之民幾千人迎西齊王以賽秋社儀衛之物頗僭制度利其財者構成其罪縣獄具聞於州州將亦武弁有覬覦之心欲盡誅之公獨慷慨別白其事州將不能奪竟全千人之命公仕宦四十餘年陸沈下僚心安氣和無不遇之歎及其

亡也夫人毛氏護喪歸葬於大名縣先塋之側禮也累官至中散
大夫以子貴贈少中大夫開國伯在鄉里顏色怡然似不能言者
及臨事毅然有執其孝友之誠蓋天性然自太夫人之亡家有二
寡姊事之如母其月入之廩盡以二姊主之夫人不與也與二兄
居聚族三百指衣食之如一其用廩也先其姪公明其仁於親族
乃如此是宜銘銘曰

沈之水出爲濟經濁河不變其泚公之仕當宋之季流離亂朝清
而不滓如卓密縣過建武則起名聞天下乃一令耳才德如彼位
止如此不亡者存必在其子孫

溢水集
以上原列卷八十八